

四庫全書

集部

欽定四庫全書

集部

宋詩紀事卷八十一

詳校官監察御史臣李陽樞

侍讀臣孫球覆勘

總校官進士臣繆琪

校對官中書臣朱圻

謄錄監生臣汪緣

欽定四庫全書

宋詩紀事卷八十一

錢塘厲鶚撰

鄧牧

牧字牧心錢唐入與謝翱友善歲丙申至山陰

王脩竹延致陶山書院已亥入洞霄止于超然

館住山沈介石爲營白鹿山房居之與葉林爲

深交林坐蛻踰月牧亦無疾而化所著有洞霄

圖志游山志雜文彙名伯牙琴衆稱曰文行先

生

九鎖山十詠 存三首

棲真洞

何年采真遊遺此棲遁跡流泉金石奏伏鼠霜雪色浮
世幾興亡殘碁耿苔石

龍洞

老龍山中居出山作霖雨風雲幾聚散田野正辛苦神
仙地位高使爾司下土

仙人隱跡

至人猶神龍變化不可測
隆然七尺軀印此一片石
我行半江海空飛杳無跡

洞霄詩集

寄友

我在越君在吳馳書邀我遊
西湖我還吳君適越遙隔
三江共明月明月可望佳人參差笑
言何時寫我相思
知君去掃嚴陵墓祇把清尊酌黃土
浮雲茫茫江水深
感慨空勞弔今古
孤山山下約陳實
聯騎須來踏春色

西湖千樹花正繁莫待春風吹雪積有酒如澠有肉如
陵鼓趙瑟彈秦箏與君沉醉不用醒人生行樂耳何必
千秋萬歲名 吳禮部詩話

湯仲友

仲友初名益以字行更字端夫吳郡人學詩于
周弼晚號西樓有壯遊詩集

弔葛嶺賈秋壑故居

檀板歌殘陌上花過牆荆棘刺檐牙指揮已失鐵如意

賜子寧存玉辟邪敗屋春歸無主燕廢池雨產在官蛙
木棉菴外尤愁絕月黑夜深聞鬼車

山房隨筆

盧熊蘇州府志云湯仲友過賈相宅一篇最爲人所稱

留題惠山寺

梁溪停短棹帶月步西關路盡忽逢寺松多不見山巖
腰雲殿古洞口石泉閒到此政吟苦秋聲滿樹間

惠山集

西湖

山色波光步步隨古今難畫亦難詩水浮亭館花間出

船載笙歌柳外移，過眼年華如去鳥。
惱人春色似遊絲，六橋幾見輪蹄換。
取樂莫辭金屈卮。

西湖游覽志

虎丘

虎是何年踞，名存跡已亡。
塔從林外出，山向寺中藏。
池暗生寒氣，臺荒受夕陽。
更無人道古，來祇爲春忙。

虎丘志

游洞庭

寒色滿空山，翛然一徑閒。
鳥啼黃葉外，人度翠峯間。
古殿藏雲氣，唐碑帶蘚斑。
未窮幽絕處，興盡忽思還。

震澤編

趙棠

棠字國炎

弔瓊花

名擅無雙氣色雄
忍將一死報東風
他年我若修花史
合傳瓊妃烈女中

山房隨筆揚州瓊花天下祇一本士大夫愛重
作亭花側扁曰無雙德祐乙亥北師至花遂不
榮趙棠國炎賦絕句弔之

李坦之

坦之字道坦錢唐人生宋季早歲入洞霄宮學
文于高士鄧牧心爲所稱許

杜鵑行

吾聞昔有蜀天子化作冤禽名杜宇一身流落懷故鄉
萬里逢人訴離苦西來縱呼巫峽間楚臺花落青春闌
臺中魂夢久寂寞行雲日暮愁空山明朝復向瀟湘發
北叫蒼梧江竹裂竹間之淚花上血怨入東風俱不減
天涯無窮朝暮啼王孫草綠不思歸哀哉王孫終不歸

江南江北楊花飛

寄吳正傳

拂袖行歌歸故鄉相思又是一星霜
夢回江上秋楓杳愁入天涯春草長
書問久淹嗟契闊詩章時讀慰淒涼
知君亦有逍遙興肯學征鴻爲稻粱

送人歸嚴陵并寄吳正傳

官車一兩馬並馳送君朝出城門西
投觴誓河以爲別東流到海無還期
雲間挂冠歸故里河上停帆謝遊子

不願松江食巨鱸甘向桐川釣寒水子陵昔釣川之側
百尺高臺猶屹立斜日歸舟繫石根稽首清風無媿色
金華洞天深且幽神仙牧羊松下遊故人吳君仙者儔
高卧巖屋秋浮浮茲山相鄰邇睦州山翠俯壓城南樓
吳君之家某水丘尺書欲煩親手投一見足寫平生憂

白鷄子歌

淮西猛士高將軍新獲驍禽被涼素調之弗顧情未狎
跨馬臂出城東去征鴻作字雲邊斜聳身直上誰能遮

天寒日暮望不見北風萬里吹瑤花雲飛忽斷鴻飛卻
短草長烟際沙漠但餘孤色搖清秋未許纖毫生碧落
歸來珍衛不解韝親手餒肉供飢喉英雄遇合固有分
可惜驚塵俱雪頭

李白酒樓歌

綠楊酒樓春水涯白也繫馬樓東家千金醉盡不復顧
猶吹玉笛引吳娃日斜樓外東風起春愁滿眼楊花裏
高歌一曲下樓去傳徧江南數十里錦袍綠水迷蹤跡

月落空梁照顏色江頭盡日不見人樓上幾年無此客
倚闌仰看西飛雲胡爲不飲愁其身卽今寂寞千年後
誰酹青青山下墳

句

落日中原小悲風易水寒凡物皆歸土深山始見天
落城南草綠王孫去江上花飛燕子來清江百曲秋
花底漁火孤村暮雨中芙蓉水碧雙鳬冷菖蒲秋高

萬馬肥

以上吳禮部詩話

呂徽之

徽之字起猷號六松台之仙居人遊跡不出操
行極高

詠雪用滕字韻

天上九龍施法水人間二鼠齧枯藤
驚鵲聲亂功收蔡
蝴蝶飛來妙過滕

復請曇字韻又賦

萬里關河凍欲含
渾如天地尚函三
橋邊驢子詩何惡

帳底羔兒酒正酣竹委長身寒郭索松埋短髮老瞿曇
不如乘此擒元濟一洗江南草木慙

輟耕錄嶽之長於詩宋亡隱居萬竹山中樵漁
自給一日大雪攜楮幣易粟富家聞其分韻賦
詩有得滕字者苦吟不就嶽之笑曰何不舉滕
王蛺蝶事衆迎入請成之援筆而就又請賦曇
字韻隨筆書訖徑出問姓字不答與之粟曰吾
豈受不義者必欲易之刺船而去遣人尾其後
路甚迂僻雪霽往訪唯草屋一間忽米桶有人
乃嶽之妻也因天寒故坐其中詢所之曰捕魚
溪上詣之吕方棹舟隔岸遙揖曰諸公曷先如
舍遲我乎少選嶽之攜魚換酒歸盡懽別它日
復往已逸莫知其處

冬日

斗室蕭蕭日晏眠
疎狂唯與嬾相便
尋常甲子無心記
看到梅花又一年

台州府志

劉彥章

彥章吉水人
宋亡後與劉桂隱
劉申齋講學有
詩名

題廬陵義士傳

淮海風迴吹血腥
青原不改舊時青
中朝將帥論功賞

不及江南一白丁

題新淦劉貞女傳

百年節義仗英豪一死翻憐女子高不敢高歌題卷上

轉喉恐觸舊官曹

以上吉安府志

胡貫齋

貫齋廬陵人

挽文山

裂指秋風感別離乾坤人物太奇奇生爲孝子忠臣勸

死結皇天后土知萬折江流魚腹石千年人立首陽碑

一門史氏春秋筆愁絕湖光入畫時

庶齋老學叢談

洪平齋

挽疊山

千古精忠日月光恨無麟筆寫堂堂還家恥作梁江總
辟穀誰知張子房後死十年應有待輕生萬里故非狂
有兒可拾江邊骨須信人亡道不亡

疊山集附

趙澗邊

挽疊山

西山東海莫容身
芒屨蕭蕭萬里塵
去住更無寬歲月
死生惟有一君親
丹心故國紅雲冷
白骨他鄉塞草春
不是回頭春已暮
至今猶說似癡人

疊山集附

翁森

森字秀卿號一瓢
台州仙居人宋亡
隱居教授
有一瓢集

四時讀書樂

山光照檻水遶廊舞雩歸詠春風香好鳥枝頭亦朋友
落花水面皆文章蹉跎莫遣韶光老人生唯有讀書好
讀書之樂樂何如綠滿窗前草不除

新竹壓簷桑四圍小齋幽敞明朱曦晝長吟罷蟬鳴樹
夜深燼落螢入幃北窗高卧羲皇侶只因素稔讀書趣
讀書之樂樂無窮瑤琴一曲來薰風

昨夜庭前葉有聲籬豆花開蟋蟀鳴不覺商意滿林薄
蕭然萬籟涵虛清近牀賴有短檠在及此讀書功更倍

讀書之樂樂陶陶起弄明月霜天高

木落水盡千崖枯炯然吾亦見真吾坐對韋編燈動壁
高歌夜半霜壓廬地爐茶鼎烹活火一清足稱讀書者
讀書之樂何處尋數點梅花天地心

仙居縣志

陸正

正字行正號率齋居士嘉興之武原鄉人精於
律呂象數之學元世祖遣程文海至江南訪求
賢士稱疾不出後復與劉因同徵不赴隱居教

授以終門人私謚曰靖獻先生

古意

結褵事君子誓作形與影人事多乖離彼此睽燕郢尺
書沈素鱗啼鵲催逝景妾命詎終薄君心那得冷開簾
花撲面淚落紛如縷

拓上遺詩

潘音

音字聲甫天台人宋季躬耕不仕築室南洲山
中詔徵天下遺逸廉訪使檄贊之行固辭有待

清軒遺稿

有所思

中心有所思，感損雙蛾眉。
美人竟長往，使我歎離居。
寂寞就孤枕，強眠誰得知。
夜深清露重，飛夢欲何之。
覺來日遲遲，分照上羅幃。
妝臺理雲鬢，種種盡成絲。

山中寄友人

我來卧白雲，潭影清華髮。
經歲無稻梁，侵晨采薇蕨。
峯頭天籟鳴，隴上樵歌發。
還擬醉濁醪，與君弄山月。

悼楊侍郎

屈指漢遺老如君復幾何
鳳池冠劍近鈴閣典章多
國已成禾黍人還隱薜蘿
那堪川上水東逝之迴波

山居阻雨

霏霏風雨暗郊原有客舍
淒淒獨掩門山鬼嘯雲移峭壁
毒龍將海浸孤村愁來自灑青楓淚
戰罷誰招絕漠魂
鴈足空齋無一語不因岑寂怨黃昏

聞鵲

子規聲切月輪斜起望諸陵憶漢家婦女尋芳渾不解
鬢雲爭插杜鵑花

以上侍清軒遺稿

凌 岳

岳字山英號石泉華亭人少習舉子業宋亡卽
卷處一放于詩有古木風瓢集

題機山

六峯喬木鎖雲根青接平原數里村此處無人來聽鶴

海靈山鬼哭黃昏

松江府志

汪斗建

斗建淳安人生宋末有雲畱小豪

錢唐懷古

江上城低烟樹紅江潮西去幾時東吳宮花草隨春暮
禹會樓臺入夢空萬里孤雲畱夕照千年遺恨訴秋風
鳳凰飛去無消息漠漠遙岑烟雨巾

嚴州府志

黃超然

超然字立道號壽雲黃巖人

秋夜

秋近園林風露涼
蟲聲無數出頽牆
前朝舊事過如夢

不抵清秋一夜長

黃巖英氣

陳古遇

古遇平江人
元俞焯稱其詩高古
無宋末氣不

嫻于時

志怪

沈沈萬仞淵下有驪龍珠佩之壽松喬售之富侔都貪

夫臨淵羨重利輕微軀百金不龜藥千金水犀珠丹砂
與翠羽陸產海所無齋裝濤浪中巨闕光炯如粲粲兩
青童駢肩何所須再拜上珠翠敢問龍起居青童粲玉
齒雲龍臥元虛爲君窮珠山鞭雲取長驅雲急風更惡
蒼梧來時徐丹藥兩須失哀哉飽鯨魚

俞焯詩詞餘話云立意高遠不在建安黃初下

馬別主

馬別主兮涕泗霑臆士別主兮喜見顏色于嗟馬兮胡

戀而駐于嗟士兮胡棄而背

詩詞餘話云哀忱悽斷足以警世俗

連文鳳

以下月泉吟社

文鳳字伯正號應山三山人杭清吟社入月泉

吟社第一名託名羅公福

黃瀨月泉吟社序浦江吳渭字清翁號潛齋宋
時嘗爲義烏令元初退食于吳溪延致鄉遺老
方韶父與閩謝臯羽吳思齋主于家始作月泉
吟社四方吟士從之三子者乃爲其評較揭賞
云又送詩賞小別序月泉社吳清翁盟詩預于
丙戌小春望日以春日田園雜興爲題至丁亥

正月望日收卷月終結局收二十七百三十五
卷選中二百八十名三月三日揭榜第一名公
服羅一縑七丈筆五貼墨五笏第二名公服羅
一縑六丈筆四貼墨四笏第三名公服羅一縑
五丈筆三貼墨三笏第四名止第十名春衫羅
一縑筆二貼墨二笏第十一名止二十名各深
衣布一縑筆一貼墨一笏第二十一名止三十
名各深衣布一縑筆一貼第三十一名止五十
名各筆一貼墨一笏吟箋二沓

春日田園雜興

老我無心出市朝東風林壑自逍遙
一犁好雨秧初種幾道寒泉藥旋澆
放犢曉登雲外壟聽鶯時立柳邊橋

池塘見說生新草已許吟魂入夢招

評云衆傑作中求其粹然無疵極整齊而不窘
邊幅者此爲冠

馮澄

澄字澄翁號來清義爲人月泉吟社第二名託
名司馬澄翁

前題

編蘭春思倩吟鞭著面和風軟似綿黃犢烏犍秧穀候
雄蜂雌蜨菜花天把鉏健婦踏烟壟抱甕丈人分野泉

忙事關心在何處流鶯不聽聽啼鵲

評云起善包括兩聯說田園的而雜興寓其中末語亦不凡

梁相

相字必大杭人月泉吟社第三名託名高宇

前題

膏雨初晴布穀啼村村景物正熙熙誰知農圃無窮樂
自與鶯花有舊期彭澤歸來唯種柳石湖老去最能詩
桃紅李白新秧綠問著東風總不知

評云前聯妙於紐合後聯引陶范不爲事縛句法更高末借言雜興的是老手

又

梁必大杭人武林九友會月泉吟社第十三名託名魏子大

麥疇連草色蔬徑帶蕪痕布穀叫殘雨杏花開半村吾
生老農圃世事付兒孫但遇芳菲景高歌酒滿尊

評云前四句詠題後乃述意末二句亦不離春興格韻甚高五言中未易多得

劉應龜

應龜字元益號山南義烏人月泉吟社第五名

自署山南隱逸

前題

獨犬寥寥畫護門是間也自有桃源梅藏竹掩無多路
人語雞聲又一村屋角枯藤黏樹沽田頭野水入溪渾
我來拾得春風句分付沙鷗莫浪言

評云此卷七言凡六首律細韻高如耕餘樹有
牛磨糞稅足溪無人照癡青春卻付鳴鳩管白
日全輸臥犢閒此等語復未易及鼎嘗一鑊餘
可樂知

魏新之

新之字德夫號石川分水人咸淳七年進士慶

元教授月泉吟社第六名自署子進

前題

農圃誰言與世違
韶華正恐屬柴扉
天機花外聞幽嘒
野色牛邊睨落暉
膏雨平分秋水白
光風小聚藥苗肥
行歌隱隱前村暖
忽省深山有蕨薇

評云起有頓挫二聯善琢句善練字末意尤永

又第五十三名自署子直注曰分水魏石川

野景入時務
東風斲滿鉏
笛聲牛後出
酒味燕來初
穀

種天心在桑枝帝澤餘紅塵幾飛鞚月信有農書

評云起句快便結意深遠兩聯亦高不得已屈
實諸此

楊本然

本然字舜舉號龍溪金華人月泉吟社第七名

自署栗里

前題

春風建業馬如飛誰有田園拂袖歸栗里久無彭澤賦
松江僅有石湖詩踏歌槌鼓麥秧綠沽酒裹鹽菘芥肥

吳下風流今莫續
杜鵑啼處草離離

評云起叙石湖出處善黏本題領聯引淵明爲對語有斟酌頸聯就范詩狀田園結有悠揚不盡之興此詩若止如前半篇則于義當屬賦矣

又第三十六名自署觀我注曰金華楊舜舉

露畦烟陌裏
名利等秋毫
引犢隨牛放
祈蠶望繭繰
和根挑薺菜
帶葉摘櫻桃
讀罷歸來賦
臨風欲和陶

評云有點檢無疎漏二聯能以俗爲雅和根帶葉雖只舊對卻轉移得好末押和陶更佳

陳堯道

堯道字景傳號山堂義烏人月泉吟社第八名

託名倪梓

前題

化日村田樂春風耕織圖秧肥科斗動桑暗鷓鴣呼罷

社翁分胙占蠶媪得符傍花隨柳處此事不關吾

評云起聯有力五六亦新傍花隨柳人多正說此乃翻用之意新

全壁

壁字君玉號遜初子杭人孤山社月泉吟社第

宋詩紀事

九名自署全泉翁

前題

倦遊歸隱白雲鄉芳草庭閒晝日長
晉氏衣冠門外柳
幽人風俗屋邊桑
青林伐鼓村村社
綠水平疇處處秧
未分東風欺老眼
一編牛背臥斜陽

評云見趣高格調別觀前聯八字及末句語可想其人

呂文老

文老字澹翁東陽人月泉吟社第十名

前題

月筭紀閏附青煒民野陶然化日熙祀備粉榆祈稔歲
宴酣花柳樂清時洛中富貴斜陽恨綿上勛勞千古思
浩興歸來吟不盡陶詩和後和幽詩

評云引用田園事全與諸作不同覃思一至于
此本句亦縝密

方德麟

德麟字藏六桐江徙居新城月泉吟社第十一
名託名方賞

前題

繞畦晴綠弄潺湲倚杖東風卻黯然往夢更誰憐秀麥
閒愁空自託啼鵲犁鉏相種地力盡花柳無私春色偏
白髮老農猶健在一蓑牛背聽鳴泉

劉汝鈞

汝鈞字君鼎號蒙山三山人寓杭月泉吟社第
十二名託名鄧草徑

前題

年來夢斷百花場
安分農桑萬慮降
爲喜麥青行暖徑
因看蠶出倚晴窗
草坪間見烏犍點
畬水飛來白鷺雙
滿飲茅柴拚爛醉
踏歌社下自成腔

評云意圓語妥五六善寫物態用韻尤工

何鳴鳳

鳴鳳字逢原分水人
宋時嘗爲教官月泉吟社
第十四名託名喻似之

前題

東風轉矚又東臯久賦將蕪力未孳古木

一作屋

陰深

巢燕弱荒陂水淺怒蛙豪兒癡方擬半栽秫身隱尚嫌
全種桃何許薜薇君欲采飢眠堪羨華山高

評云語健意深雖首句疊字微欠推敲後聯與末韻過人矣

又第四十五名託名陳緯孫注曰分水何教鳴鳳

星明天駟兆興農稼圃犁鉏處處同播穀競趨新禹甸
條桑猶記舊豳風草緣疆畎縱橫綠花隔藩籬深淺紅
自笑偷生勞種植西山輸與采薇翁

評云雋味寓于細律中微作者不及此

翁合老

合老字仲嘉建德人月泉吟社第十五名自署

躡雲

前題

韶華到處入冥搜郭外人家事更幽土脈正融催穀觫
林陰微合聽鉤輈誰家酒熟社公醉明日桑空蠶妾愁
祇恐春工一作東忙裏度又吟風雨滿城秋

評云春日雜興意已具首句二聯工緻後聯句更高結句所引與興字相關尤有深味

林子明

子明號東岡分水人月泉吟社第十六名自署

玉華吟客

前題

一點陽和薰萬宇最饒佳致是山莊雞豚祝罷成長席
鶯燕聽來隔短牆嗜酒不嫌多種秫無襦長恨少栽桑
東郊勸相何煩爾農圃吾生自合忙

評云前聯細玩見田園次聯較分曉結意尤有含蓄

劉蒙山

蒙山崑山人月泉吟社第十七名託名田起東

前題

桑風吹綠滿原頭西崦東臯暖氣浮村婦祈蠶分麪親
老農占歲說泥牛田烏飛逐耕烟犢桑扈鳴墮喚雨鳩
鄰叟一作曲相邀同社飲旋將新酒向花筍

評云此真雜興二聯組織甚工

周 暕

暕字伯陽號方山泰州人武林社月泉吟社第
十九名自署識字耕夫

前題

蛙聲似吹雨初足桑椹欲紅風始和少婦每憂蠶利薄
老夫唯喜秫苗多舊栽花木山鶯識新買陂塘野鷺過
此境東風元自好當年金谷事如何

評云不事排弄而意語新妥自是佳作

月泉吟社送詩賞小劄羅公福云伏以月泉舊
社久盟湖海之交春日新題賸寫田園之興得
周南而正始可冀北之空羣執事振響武林舒
翹文苑種秧流藥已朝市之無心放犢聽鶯更
池塘之入夢杵機自別冠冕爲宜某心所甚欣
手之不釋詩成奪錦誦珠玉者翕然禮以爲羅
瑰瑤瑤則多矣餘如元穎并致篚筐司馬澄翁
云執事清涵繡湖香並班史菜花天秧穀候偶
迎著面之風野泉甕烟隴犂總是關心之事雖
居蕭次猶占盧前高宇云伏以友連湖海風聞
詩錦之名題借田園尚瑰禮羅之意有來匡鼎
豈遜盧前執事文陣稱雄武林擢秀四時春始
成石湖老去之吟三徑人閒得彭澤歸來之趣
襟期樂只囊穎宜哉某得是高吟從而深刻問
巢父之珊瑚安在此則長畱縱衛人之瓊玖可
將終然匪報倪梓云田園雜興偶徵舊社之同

盟湖海俊游爲賦長城之五字執事假富春山
爲通德里耕織圖村田樂放開塵外之懷社翁
昨蠶媪符道盡眼前之景以俗爲雅此詩可羣
全泉翁云執事東晉衣冠西逸風俗閒庭芳草
倦游甘隱于白雲綠水新秧歸牧穩眠于斜日
卓爾有立異乎所聞躡雲云月泉壤地密依鄰
燭之光春日田園賸喜奚囊之興翩其傑製壯
我齊盟執事絲瀨清風爐峯瑞氣土脈融林陰
合搜吟不赦於韶華社公醉蠶妾愁敗意直憂
于秋雨誠爲蒼勁可但清新識字耕夫云農圃
餘生結同盟之社友湖山佳處有識字之耕夫
所謂伊人夫豈卑我執事語無排界體不效崑
野鷺山鷺動金谷當年之感婦蠶夫耕逼石湖
春日之吟云云

送僧歸蜀

詩禪寄杖錫不問道塗難到水浮杯渡逢山卸笠看悟
空諸念寂傳佛一燈寒蜀國又歸去令人憶道安

翰墨大全

姚潼翔

潼翔家釣臺月泉吟社第廿一名自署社翁

前題

壁寫新年百事昌春盤次第蓼芽香燒燈過了爭挑菜
祭社歸來便撒秧布穀幾聲催耜畝吳蠶三伏正條桑
一春忙過無多日又聽鸛鷀報麥黃

評缺

高 鎔

鎔字聲玉號悅雲三山人宋婺州教官入月泉

吟社

前題

已學淵明早賦歸東風吹醒夢中非鶯聲曉曉來談舊
牛背安閒勝策肥時聽樵歌時牧笛間披道氎間農衣
篇詩那可形容盡何似忘言對夕暉

評云五六作意就雜字上形容畧似爲氣格之
累然而不可少也第二句穎拔未用淵明意尤

佳

吳瑀

瑀字貴叔義烏人吳天祐之姪月泉吟社第廿三名自署天目山人

前題

野水渾邊戲乳鵝疎籬缺處曬耕蓑草青隨意牛羊臥
門靜無人燕雀多夫倦倚犁需婦饁翁歡擊壤和孫歌
新來別有營生計又喜巡檐住蜜窠

評云全篇是雜興本色而田園參貫其中且無一語塵腐

胡南

南字景山號比心義烏人月泉吟社第廿四名

自署安定書隱

前題

世數有遷革田園無古今鳥喧爭樹暖牛倦憩牆陰水
活土膏動風微花氣深淵明千古士佇立此時心

評云二聯入細末意尤永

黃景昌

景昌浦陽長塘人月泉吟社第廿五名自署槐窗居士

前題

野色搖春麥正肥烟村閒寂往還稀未多桑葉蠶初浴
更小茅茨燕亦飛行市綠蛆花潑眼臥依黃犢草侵衣
數聲桐角歸來晚楊柳移陰月半扉

評云細潤中見雜興若知田園俦亭則有富進
廬前矣

姜霖

霖字仲澤金華人月泉吟社第廿六名自署姜

仲澤

前題

老盆傾酒試新嘗社鼓村村鬧夕陽麥隴風微牛睡穩
芹塘泥滑燕歸忙半村飛雨斷烟溼一徑落花流水香
鼎貴安知此中意徒能學犬吠村莊

評云領聯妥貼五六尤勝末不雷同

東必曾

必曾字孝先號潮原杭人武林社月泉吟社第
廿七名託名陳采著

前題

暎綠郊原春事深
治生幽趣豁塵襟
聲聲禽語耕人意
種種花開老圃心
桑葉漸舒梯欲整
麥苗暗長路難尋
日長雖有荷鋤倦
薄暮歸來常醉吟

評云終篇可謂清新之作三四尤有味

方子靜

子靜桐江白雲村人月泉吟社第廿八名自署

方尚老

前題

東臯雨後土膏肥
夙駕烏犍出短扉
秧水平疇蛙閣閣
菜花滿稜蜨飛飛
比鄰社酒歡猶在
牆壁農書事已非
獨喜桑麻今正長
淵明歸去最知幾

評云領聯停當五六有感觸三四字尤警

朱孟翁

孟翁東陽人月泉吟社第廿九名

前題

餽飭蔬槃已竹萌如何布穀未催耕
牧兒嬾散騎牛過遊子牽連信馬行
秧際窺魚翹白鷺花間捎蜨下黃鶯
東風歲歲添新綠獨我霜髯多幾莖

評云平安中用字有工二聯不拘體貼而題自見末感興深

月泉吟社送詩賞小劄天目山人云月泉社友爰歎舊盟天目山人爲題春興不勝佳甚豈果

遠而執事望邑鄰輝平齋宗派詠牛羊茁壯仍
觀戲水之乳鵝知燕雀生成又喜巡簷之窠蜜
有貪其饒或拊而歌安定書隱云執事昔者中
庸今之安定趣雄物表牛倦鳥喧景入用中風
微水滑且能慕義熙之士豈欲追正始之音槐
窗居士云執事名稱東國越之雄句比西家施
之麗浴簷飛燕野色搖春依犢市蛆扉陰移月
摹成小景曲盡巧心姜仲澤云月泉里社竊雙
溪明月之餘輝春日田園動白雪陽春之絕唱
執事採撷羣言牢籠百態歸燕忙睡牛穩頗歡
顏社酒之嘗斷烟湮流水香更切齒村莊之吠
高標聳若秀句宜哉方尚老云秧疇麥稜畫圖
巧寄于聲中社酒農書詩史隱存于言外烏龍
嶺之地靈尚矣白雲村之宗派依然某薄云兮
獻并以穎歸

鶚按小劉朱孟翁缺

陳舜道

舜道義烏人月泉吟社第三十一名自署陳希

邵

前題

春來非是愛吟詩詩是田園樂興時清入吟懷花月照
紅生笑面柳風吹村聲盪耳烏鹽角社酒柔情玉練槌
閒悶閒愁儂不省春來非是愛吟詩

春來非是愛吟詩詩是田園遣興時行傍山翁驅犢父

坐觀鄰姬試鵝兒看秧時測水深淺行菜間占春早遲
白日漸長消不去春來非是愛吟詩

春來非是愛吟詩詩是田園感興時草地耕牛才有犢
花村吠犬那能釐麥青未必三時粥桑綠其如二月絲
觸物興懷言不盡春來非是愛吟詩

評云此卷首尾吟十篇題上生題摹寫各極其
妙與其他畫蛇添足者不同姑寘諸此以爲手
抄之冠紙價當爲高矣

劉時可

時可雙溪人月泉吟社第三十二名

前題

土膏初動雨初收
草徑茅亭趣最幽
坐睡畧無朝市夢
踏歌時有里閭遊
半丘秧秫醉堪酒
五畝樹桑寒可裘
老圃老農誠足學
不成吾道付滄洲

評缺

許元發

元發義烏人月泉吟社第三十四名自署雲東

老吟

前題

片雲豈是出山時曾被東風誤一吹歸意不煩啼鵲勸
閒情只許落花知桑麻窮巷扉常掩烟火空林黍自炊
栗里輞川非謬計晴窗子細味渠詩

評云起善摹寫五六用淵明摩詰語卻以第七句承之可謂得格

洪貴叔

貴叔義烏人月泉吟社第三十五名自署避世

翁

前題

棄官杜甫罹天寶辭令陶潛歎義熙暖日浣溪仍舊迹
春風栗里只前時苗生阡陌培嘉種花繞林塘發故枝
佳興二公能領會可能胸次太多詩

評云全做披體

徐端甫

端甫義烏人月泉吟社第三十七名

前題

曉出東郊跨蹇驢
弄晴微雨潤如酥
犬依桑下烏犍臥
鳩雜花間黃鳥呼
楊柳嫩搖風氣力
稻秧新著雨工夫
農家滋味誰知得
飽飫豚蹄酒一盃

評云如是而後爲雜興詩中二聯尤得趣末無奇

朱釋老

釋老號龜潭金華孝順鎮人月泉吟社第三十

八名

前題

家山萬象春歸好詩筆拈來感物情
泉脈動時毋待灌
土膏起處正宜耕
無窮懷抱風和暢
不盡形容雨發生
試問封侯萬里客
何如守拙晉淵明

評云前聯說田園輕快第二句體貼興字五六
帶春景體貼雜興二字更工然而氣格不甚高
亦坐此

李萼

萼桐江人月泉吟社第三十九名自署樵逸山
人

前題

村居只是舊衣冠北墅南園熟往還
雨外泥深牛轂棘花邊風暖鳥間關
躬耕自得莘郊樂日涉誰知陶徑閒
只說桑麻元自好不須釋耒歎時艱

評云全篇辭氣雍容末韻哀不傷怨不怒深得詩人之旨

陳公凱

公凱字君用號月泉竹臞吟社第四十名自署
柳圃後爲月泉書院山長

前題

春風穴我田園務野思芳情約不齊檢點丘仍芋壠
按行桑墅更秧畦偶陪靈運山前屐或學東坡雨外犁
薄暮倦歸專一事旋誅生菜甕黃齋

評云詠雜興甚工但失之刻露然其好處亦在
此

又第四十六名託名陳鶴皋

世事不挂眼寄情農圃中鉏犁衝曉雨杖屨立東風芽
穀驗仁脉澆花趲化工獨餘真意味濁酒自燒菰

評云前聯平後聯有思索

俞自得

自得號吟隱金華孝順鎮人月泉吟社第四十

二名

前題

暄和春景好供詩日暖風輕土脈肥白鷺時窺秧刺刺
黃鶯頻說柳依依幾回野水聞姑惡數樹春陰叫姊歸
物態滿前看不足等閒吟詠對斜暉

評云語新而對巧所謂多識于鳥獸草木之名
但末二句不過教演起句耳

王進之

進之建德人月泉吟社第四十七名自署臨清
前題

桑田滄海幾興亡歲歲東風自扇揚
細麥新秧隨意長閒花幽草爲誰芳
午橋蕭散名千古金谷繁華夢一場
滿眼春愁禁不得數聲啼鳥在斜陽

評云有悠長味無艱澀語後半篇視前畧不及

又第四十九名自署王進之

東君私我此身閒
脫卻青衫野服更
桑可以絲麻可績
麥宜績食韭宜羹
分甘壘上耕雲隱
夢不湖邊拾翠行
物意豈知滄海變
曉風依舊語流鶯

評云以雅健語寫高潔操悠然之興見于篇末

陳希聲

希聲義烏人月泉吟社第五十名託名元長卿

前題回文 二首存一

香紅眩眼纈蕤英竹杖扶吟縱步行桑眼蠶含青蕾小
麥鬚蝦磔翠芒輕黃花朵圃午風軟綠水秧畦春野平
芳樹幾聲鳩雨過蒼蒼柳色弄烟晴

評云回文二首俱妥順亦出苦心

又第五十一名託名聞人伯仲 三首存一

田園興在早春時眼纈生紅喜上眉門巷日高人埽雪
池塘烟漲水流澌杯杓新歲歡同社燈火元宵鬧古祠
野老告余春事及夜來小雨過前陂

評云三春分作三首曲盡變態非苟爲敷演者所能及

戴東老

東老月泉吟社第五十二名

前題

飲了椒盤收了燈翁攜稚子步新晴茅柴初熟勝臘醞
菜菔久齋宜晚羹伏卯雞畱上春種出欄牛試吉辰耕
去年官賦今年罷寂甚門前犬吠聲

評云狀三春之景得處亦多起頭一句欠嚴重

陳文增

文增莒水人月泉吟社第五十四名

前題

熙熙壠畝扇和風
簇簇人烟野意濃
培溉桑麻沿汲路
徑行薺麥省耕農
飲牛澗暖山搖影
接果枝青蘚拆封
酒熟花香村欲社
芒屨藤杖儘從容

評云起見題意兩聯中五六尤工

月泉吟社摘句圖

無機老農云名利有危機老于農圃宜

子問云驅卻餘寒碎土牛田園生計又從頭

田農夫云桃李場中已免參只將農圃繫頭銜

唐人機軸云風暖柴荆鳥語幽麥高麻矮野桑柔

以上起句

忘懷老人云寸地不可棄東風何處無

五雲山人云種瓜思夏實分菊待秋花

老農云幸存耕雨地況值養花時

劉存行云麥苗花下綠犢子草邊黃

石姥寄客云水暖眠秧珥風香豎茗旗

雙澗云雨露桑麻深夜話清明花柳少年心

雲水云晴雨花時遊子意寒暄秧信老農心

白雲人云犢外醉分芳草臥鶯邊吟踏落花行

傅宣山云生意滿腔秧出穀飛花有思柳飄絲

自家意思云耕鋤曉雨有餘地應接東風無暇時

柳耆云野犢正忙犁曉雨谷鶯纔出管東風

俞如山云鳥隨牛後窺秧穀蜨趁蜂來戀菜花

跨犢者云有酒便嘗烹筍蕨無花聊自賞桑麻
清溪叟云社近記穿黃繭子雨前趲摘紫槍旗
山野人云鶯藏楊柳金歌舞蜨宿梨花雪夢魂
盤隱末子云桃林我憶放牛日葵圃誰思逸馬時
扶杖夫云一生甘作扶犁手萬變寧移抱甕心
廷雲云蛙鳴暮夜官何爲蜨戀芳菲夢不知
翁自適云鴉趁犁翻爭啄食蜂黏絮落苦貪香
郭建德云烟連草色迷平野雨趁鳩聲過別村

駱何賔云烹罷籜龍新上箸修來袂馬尚依牆

陳帝臣云清曉蛙聲引啼鳩夕陽牛背立歸鴉

晚靜云牛飲芳陂鴉立背馬過秀野蜨隨蹏

竹蓑笠翁云蠶一二眠催出伏袂三四葉尚憂風

俞野處云郎罷耕歸呼囷牧阿翁眠起問姑蠶

以上聯句

藍田道人云晴原望新麥一片綠雲香

林泉生云桃李公門者將蕪胡不歸

傅九萬云笑他思著蓴鱸者卻感秋風始去官

以上結句

泉吟社

鄭協

溪橋晚興

寂寞亭基野渡邊
春流平岸草芊芊
一川晚照人閒立
滿袖楊花聽杜鵑

錢唐晚望

錢唐江上夜潮過
秋靜寒烟白露多
吳越青山明月裏

舟人齊唱異鄉歌

以上天地間集

徐直方

直方字古爲

觀水

滄江無盡水夜夜隨潮去若復作潮來滄江止不住

地天

閩集

何新之

新之字仲德號橫舟西安人仕至樞密院編修

官後知忠安軍死節有詩林萬選

秋夜汎舟

飛星曳寒影野水淡碧空人生定何物扁舟空影中何
年有宇宙生此木末風有力不向上難到蓬萊宮空攀
棲鵲巢搔首如飛蓬俯仰慨今昔此懷安可窮

天地間
集

王仲素

仲素號石髓

歸去詞

種松雨濯髮折筍春墮指長嘯歸去來滄江一天水

天地

問集

何天定

天定號菊屋

散策

孤坐忽不樂出門聊散行
溪喧亂人語樹偃礙農耕
雨徑莓苔積陽坡草木明
道逢九十老相對話承平

天地

問集

王曼之

曼之號野處

西窗

西窗枕寒池池邊老松樹渴援下偷泉見影忽驚去

春日郊行

出門逢柳色忽過野橋西坐石看潮長隔花聞鳥啼地
隨芳草盡樹與夕陽齊不是桃源路行人亦自迷

以天上地

間集

范協

協號觀山

年年

年年如燕一還家又訪幽居過水涯風雨滿城春欲暮

山中猶有碧桃花

天地間集

吳子文

子文號東窗

訪隱者不遇

道人入山訪道人山深俗朴雞犬馴道人不見道人去

毳毼草木無邊春

天地間集

韓竹坡

采菊

擷我百結衣爲君采東籬半日不盈掬明朝還滿枝悠然何處是千古正如斯

天地間集

唐涇

涇字清父道州龍山人

甲戌客臨安

時賈似道當國

金谷烟花醉未醒
軒邊無夢到功名
十郎腹裏長函劍
六丈胸中舊貯兵
天豕星沈狼有影
海鯢風緊鶴無聲
如聞浩浩愁相訊
何日衣冠樂太平

江南紀事

吳山一髮暮雲孤
愁向湘纍訊故都
鳳去只餘韶樂在
雁來還有帛書無
杏壇有客陳孤注
平隴何人復五銖
歌徹黍離風雨惡
南山深處叫烏烏

廣亡徙海

箕冠如櫛擁旌旌誰執驛毛歆晉盟薄海而南關氣數
渡江以北少功名火旗掩靄雲藏闕水陣周遭雪壓城
一榻不容人鼾睡那知霧島是神京

厓山亡

萬里輿圖入朔方搖搖孤注海之陽石尤風惡雲藏軫
天駟星沈月掩房島上有人悲義士水濱無處問君王
義和指著烏飛路去去虞淵暮色蒼

以上忠義集

彭秋宇

乙亥紀聞

羽書朝暮漲氛埃
天詔勤王起草萊
塞上風高鷹颺去
江頭霧暗馬飛來
諸賢忠愛謀安出
四將英靈喚不回
漠漠雲天秋萬里
飛鳴無數雁鴻哀

秋興二首

沙塵破褐客秋風
落落親朋半老翁
野曠有時聞嘯虎
天寬無處寄征鴻
四方玉帛燕山北
萬里帆檣海水東
回首可憐歌舞地
方花石礎樹陰中

西風卷地送淒涼目斷歸帆落日黃雁過江天雲漠漠
龍遊滄海水茫茫故人入夢三更月近事驚心兩鬢霜
試把濁醪澆磊砢尊中猶帶芷蘭香

以上忠義集

劉麟瑞

麟瑞號如村南豐人有昭忠逸詠

西和知州陳公寅守將楊公銳

陰風蕭颯起黃埃鐵騎追奔動地來石堡梯空天險北
水門罅隙殺機開不期溟海鵬千里自守封疆煇一杯

四十萬民登鬼錄伊誰爲使哭聲哀

階州守臣董公鵬飛

相傳報怨撼階州虎旅飛來睨敵樓
枯矢蔽空天入暝鵝車衝壘地生愁
金城魚肉千年恨闔境衣冠六日休
莫怪傳家猶強項雲孫忠節更風流

丞相江公萬里知府江公萬頃

名重天閭侍太微昔年南國秉樞機
人歸綠野身猶健兵滿紅塵世已非
止水亭前風淅淅鄱陽城外草依依

棣華相映人間瑞節惠隆名世所稀

丞相信國公文公天祥

金字牌飛出建章鬱孤萬壘爲勤王驅馳嶺海君臣寓
囚繫燕雲道路長六籍一時光日月孤忠千古立綱常
全歸凜凜渾生氣南北人誇姓字香

湖南安撫知潭州李公弔

平楚樓頭矢石驚焚香稽首別宸京盡殲妻子期全節
寧死封疆不忍生烟歆張空墮趙壁旌旗倒影下湘城

善刀人在同觀化名與澄江一樣清

江東運判趙公淮妾某氏

石頭城昔號金湯岌岌孤墉戰馬場
西日突圍逃溧水南冠荷校說維揚
血凝漢節誇男子身寄秦淮藉女郎
千載妾身貞更潔仰天哭向水雲鄉

淮東制置使李公庭芝

淮海曾聞一偉人十年臥護息邊塵
重來鐵騎攻城急旋執金戈赴陣頻
夢入甌閩期立極路遵通泰倏捐身

平山堂下悲風起魂繞瓊花萬樹春

參政高公應松

腸斷吳山錦繡叢六更聲絕海潮空千門鎖月移行在
八駿乘風憩會同扈蹕孤臣慙主辱征鞍萬里哭途窮
兩宮緩緩趨朝陛回首天南獨死忠

丞相陸公秀夫

八面兵威八面攻馮夷飛血洗千蓬波翻水寨乾坤震
風仆檣旗社稷空百辟散班奔鷁首孤臣扈蹕憩龍宮

茫茫南國重回首一片丹心照海紅

樞密張公世傑

曾擁貔貅奏凱歌
匡山雲暝竟蹉跎
地空九有棲荒服
寨列千艘保海阿
龍躍壘沈天若此
烏鳴矧絕事如何
鯨波沃日炎光熄
凜凜英魂尚枕戈

江東制置使謝公枋得

草履麻衣漫蔽形
十年賣卜慣零丁
願從楚地師龔勝
欲向遼城友管寧
采石吟成期絕粒
娥碑讀罷棄餘齡

一門盡節均無媿千載西山疊疊青

少主納款

天目山崩歷數終降幡颶颶出孤墉六龍捲霧歸三島
八座迎風啟獨松塵掩玉堦消王氣潮移雪屋示軍容
由來興廢天難問斷礎頽垣泣曉蛩

以上昭忠遺詠

宋詩紀事卷八十一

欽定四庫全書

集部
宋詩紀事卷八十四
二至

詳校官監察御史臣李陽樞

侍讀臣孫球覆勘

總校官進士臣繆琪

校對官中書臣朱烜

謄錄監生臣汪緣

欽定四庫全書

宋詩紀事卷八十二

錢塘厲鶚撰

蘇元鼎

遊齊山寺

秋浦齊山寺峯巒楚楚長巖根堆雁塔溪角架虹梁雨
過聞幽磬雲開見上方苔侵石磴滑花擁洞門香禪客
探元切騷人覓句忙汲泉寒井廢觀郡古樓荒白鳥巢
危樹孤猿叫斷岡碑珉黃閣相詩板紫薇郎蹤跡依稀

在文章大半亡登臨正吟賞惆悵見斜陽

齊山詩集

石 郊

石梁寺

行破白雲山幾里僧牀接客幸相容泉聲到枕夜無寐

時聽隔林方廣鐘

天台山志

劉師邵

浮萍

乍因輕浪疊晴沙又趁迴風擁釣槎莫怪狂蹤易飄泊

前身不合是楊花

廣羣芳譜

葉 籜

題光華亭

在鹽官縣北

畫棟朱簾勢翼然，鼎新氣象冠山川。
鵝黃楊柳浮春晚，鴨綠烟波送客船。
魚不妨農事，日風光好近麥秋天。
佐君治簡有餘暇，杯酒從教盡日傳。

海寧縣志

黃 唐

九女山

在奉化縣南二十里

粼粼新綠起前峯
拂拂垂楊烟雨中
安得一蓑浮短艇

玉鱗飛上釣絲風

寧波府志

史蘊

國清寺

十里松關路門開對洞天
神曾獻地海衆此安禪
鐘

磬開巖谷樓臺跨石泉
高峯智者塔長與赤城連

天台志

魏宗

石橋

聞說招提景墨花結翠雲晴光朝更合嵐氣晚來分梵
語微茫韻鐘聲杳靄聞無由問禪法坐對柏爐熏

天台
山志

路 枕

秋懷

落日留虛壁秋風急戍樓高歌鬼神夜揮涕虎狼秋豪
貴少青眼文章多白頭何時挂長劒天地一扁舟

宋藝
圃集

況志寧

南昌人

豫章臺

城陰冷落豫章臺平地晴沙捲雪來欲訪鄰翁問塵跡
小園荒徑長莓苔

梅仙壇

上疏歸來事可歎嶺頭誰爲築星壇先生不食炎劉祿
自拾松花當晚餐

以上南昌府志

謝孚

蒼梧卽事

近岸江聲急孤舟下杳冥峽泉飛暴雨灘石走羣星水
有瀟湘色援同巴蜀聽令人思舜德一望九疑青

粵西詩載

張惟中

鏡湖

昔年曾過賀家湖今日烟波大半無惟有一天秋夜月
不隨田畝入官租

紹興府志

廖衡

衡南劔州順昌人鄉舉不利隱居終身

句

淚多陳后愁離殿浴出楊妃困倚闌

延平府志縣尉命詠雨中山茶時年六歲

艾申

遊疎山

夾道蒼松六月寒塵埃只隔白雲閑重游恰是十年後
往事空驚一夢間傑閣漫誇新卜築危亭不似舊躋攀
憑誰說與關師叔投老求分一半山撫州府志

徐 噩

綠珠渡

在粵西博白縣

早出綠羅村晚過綠珠渡
日落白州城草芳梁女墓
江水流古今滔滔不相顧
今人不見古時人依舊青山路

如故

名勝志

呂 江

栖白菴

門外竹千箇崖顛兩徑分
奔泉流碎月高樹礙行雲游

客倦欲臥道人言少文但云秦學士曾此遇茅君

茅山志

單錫

錫字君賜宜興人

寄隱士

巖頭鬱鬱凌寒柏柏閒時復雲封白苔蒼草碧自年年
絕奇中有參同客道通下躡天根深山靈啼泣穹崖陰
春深不問花開落寂寂空山千萬尋

宋藝圃集

賈成之

橫浦

橫槎三月江如束風浪縈紆接天綠郡樓新創插雲飛

盡日江山對雙目

粵西詩載

夏之中

古離別

郎上孤舟妾上樓闌干未倚淚先流片帆漸遠郎回首

一種相思兩處愁

宋藝圃集

柳驥

驥官德化主簿

句

天插一泉聲漱玉地高六月夜凝霜

題九仙山
雜志

泉南

范西堂

明水寺

環山清淺一溪水夾徑高低十里松煙鎖石門疑路斷

斜陽影裏忽聞鐘

撫州府志

陸煥

大慈寺

天下紛紛吹戰塵我來佛隴悟修身依然猿鶴如相識
知是山中幾世人

台州府志

祝鑄

鑄蒼山人

妙庭觀

風雨連山松竹鳴宦途牢落若爲情中宵嘹唳驚殘夢

疑是雲和重度聲

杭州府志

朱應龍

山月池

德藏寺有松風臺山月池菊坡宋竹菴禪師所築

池底看明月明月在山頭清光連上下分作兩輪秋

菊坡

口有綺語債長詠菊坡詩最好重陽景雞肥酒熟時自注

竹菴禪師有菊坡橐 以上柘上遺詩

胡梅所

石禪牀

在鶴鳴山

空山危石平如掌雲鎖苔封自昔時不識山僧曾坐處

幾回彈舌雨龍歸

漳州府志

程驤

富順西湖

春風楊柳早藏鴉秋水芙蓉晚著花細數一年湖上景

天涯行客忍思家

全蜀藝文志

衡泌

綠波亭

清淚斑斑灑綠波年來轉覺別離多
扁舟南浦分攜處水遠山長愁奈何

建寧府志

潘景良

游金山

嵌巖穹窿屹立于江中崩湍下瞰不見底
巨石崛起高摩空混沌破來到今幾萬歲
雄奇秀麗胡爲乎此山兮獨鍾長江西
來一萬里當空削出金芙蓉上有金仙居
下有馮夷宮寶坊櫛比列霄漢塔影倒置
驚魚龍有時

洪鐘咽烟響潮音屬和驅羣鷁鳥飛竟力不得到我嘗
挈舟一抵其雲峯攝衣步樓閣矯首觀無窮齊州九點
落眼底岷峨西望何溟濛忽聞長風破巨浪芥蒂一洗
平生胸山僧喜殊常握手何從容杯擎陸羽水茶汎玉
川風鶴翁散仙恒齋老翁把臂大笑聲融融天風吹袂
欲輕舉白雲縹緲將何從不知海外之三山羣仙之樂
與此將異而或同迄今別去五六載我舟又復來掀篷
山靈偃蹇我倨傲塵懷汨沒不得追前蹤風帆一笑金

山過山頭日落飛冥鴻

金山志畧

楊旻

題惠山翠麓亭

聞說支公最好賢
瀛洲可買不論錢
樓臺蔽日都無地
草木藏春別有天
石上雲翻千峽雨
洞中泉落幾家田
高閑誰似幽居樂
一坐青山不問年

惠山集

徐文瀾

詠酒

才傾一盞碧澄澄自是山妻手法成不遣水多防味薄
要令麴少得香清涼從荷葉風邊起暖向梅花月裏生
世味總無如此味深知此味卽淵明

淵鑑類函

侯丹

學古體

桐風吹月烏啼井碧波溼露沈雲影素絲牽玉轉泉華
美人睡覺燕支冷銀鈎挂簾北窗曉翠鬟臨鏡雙鸞小
黃衫少年望不來寂寂庭階滿春草

吳氏詩永

林東

戴溪亭

在望仙門外

溪亭故事幾年華來值秋霖眺望賒雲障山巒多少處
雨埋烟火兩三家水肥去馬行高阪汀沒浮鷗上淺沙
誰是子猷誰是戴小船杯酒興無涯

嵎縣志

陳揆

破山寺雙頭白蓮

湘南夜永風露清明月耿耿波盃平嬋娟有人步羅轡

瓊璫玉佩雙娉婷可憐玉骨埋藏久腸斷人間無復有
豈知化作蘭若蓮宿契未忘猶並首想應快意洗塵緣
不向謝池爭取妍玻璃盤中淨玉頰一心稽首西方仙
請君以圖獻天子當與嘉禾並周史毋令寂寞墮空山
泣月悲雲清夜殘

破山寺志

藍元威

寒

朔風陣陣送將來日午柴門半不開靈照只教添短褐

孟光重喚暖深杯苦吟簷角玲瓏玉閑撥爐頭楮枰灰
移步東籬紅日晚細看凍蝶尚依梅

菊坡叢話

司馬允中

陸羽井

百尺寒泉浸崖腹蘚蝕題名不堪讀只今此味屬誰論
自把銅餅汲新淥

虎邱志

慕容百才

大劒山

李勢非岵虎公孫是井蛙聖朝無外戶夷壤盡爲家疊
嶂寧須鏟停鼓久廢過原鱗生駱谷釣駟入彭衙關失
千年壯方來萬里遐商淵寧頃洞使節偏谿舂蔚誰
驚鳥豐茭自樂麇烽屯開雨雪樵爨老烟霞帝德朝宗
地仙游上漢槎賞奇酬酒興摘藻謝詩葩階走楓林葉
窗催柏燭花山亭無刻漏隱几待鳴鴉

四川總志

袁植

游惠山

挈舟到山寺詩句偶緣情山自錫無後寺因泉有名樓
陰回夕景樹色向冬榮就水別茶味全勝他處烹

惠山集

陳願

斗起亭

乞得雨初霽登臨一解顏自攜斑竹杖來對白雲山月
色朦朧裏溪聲遠近間相畱且盤礴莫惜夜深還

台州府志

劉琰

題尊勝院

在奉化縣

海角尋春雪未消
馬蹄無處避瓊瑤
已分屋下論文酒
爐火篝燈伴寂寥

延祐四明志

王 聘

芙蓉

菡萏初舒豔
奇芬暈碧霄
中洲欣邂逅
南浦自招搖
瑩色涵香霧
新袍圻絳綃
娉婷自珍愛
穠郁更清超
照水臨青鏡
偎蘋倚彩翹
駢枝疑貫寵
並萼似爭嬌
綽約霞初映
披敷烟正銷
鬚凝金粉嫩
房闔玉冠喬
月下仙人

瞥風前公子袍清虛雲步溼沈浸濯津饒濯濯靈修質
盈盈神女標孤貞無漫漫雅則絕纖妖喜動文鴛舞光
搖錦鯉跳瓊根託紺潔翠蓋障炎囂靚賞聯瑤席芳蹇
集桂橈姚園多猥俗陶徑亦蕭條華井分流潤天池引
派遙須移元圃種莫向若邪漂木末興幽詫濂溪結冥
招懷之思遠道秋入鬢蕭蕭

廣羣芳譜

何昌弼

橫塘道中

卽半邇北橫塘牕

一舸凌風去縈紆幾度村水清魚引子田美稻生孫山
近塵埃遠秋晴枕席溫悠悠迷處所疑是武陵源

嘉興府志

林衢

衢長樂人

題廣州光孝寺

開池曾記虞翻苑列樹今存建德門無客不觀丞相硯
有人曾悟祖師幡舊前訶子泉猶冽新種菩提葉又繁
無柰益州經卷好千絲絲縷未消痕

藏內法華連華諸經係益州本故云

名勝志

何千里

登金山

上妙空王殿諸天不敢窺雲霞捧兜率日月遶須彌八
柱當如許三山定自奇波瀾吞巨海正要十分詩

金山志畧

馬世珍

游圓通寺

山空不隱響一葉落還聞龍去遺荒井僧歸禮白雲蟲

絲昏畫壁嵐氣溼爐薰睡思渾無奈茶甌易策勛

嚴州府志

張理

惠山寺

九峯朝暮雲搖落少游墳野蔓碑全沒晴菴磬亦聞洞
偏泉路細松折鶴巢分高視太湖近雲濤鷗起羣

惠山集

董曇

甘陂寺

晚發山間寺籃輿冒朔風雪融溪漲碧雲漏日穿紅歲

月塵埃裏江山醉夢中人生重鄉井浪出笑龐公

撫州府志

劉侃

武夷七曲

峽折峯全削風回瀑盡飛山光并水色載得一船歸

建寧

府志

宋詩紀事卷八十二